

ভারত-মায়ানমার ফরেন অফিস কনসালটেশন, নয়াদিল্লি

১৫তম ভারত-মায়ানমার ফরেন অফিস কনসালটেশন
অনুষ্ঠিত হল নয়াদিল্লিতে, ৯ আগস্ট, ২০১৬। ভারতের
তরফে নেতৃত্ব দেন ড. এস জয়শঙ্কর, বিদেশ সচিব এবং
মায়ানমারের তরফে ইউ কিয়াও টিন বিদেশ বিষয়ক প্রতিমন্ত্রী।

এই আলোচনা বিশেষ তাৎপর্যপূর্ণ, মার্চ ৩০, ২০১৬-তে
মায়ানমারে নতুন সরকার শপথ নেওয়ার পর এই প্রথম
ভারত-মায়ানমারের মধ্যে প্রতিষ্ঠানিক বিনিময়। মধ্যবর্তী
সময়ে প্রধানমন্ত্রীর বিশেষ দৃত হিসাবে জুন ১৬, ২০১৬-এ
জাতীয় নিরাপত্তা উপদেষ্টা শ্রী অজিত দোভানের সফর এবং
বাণিজ্য ও শিল্প প্রতিমন্ত্রী শ্রীমতি নির্মলা সীতারামণ মে ১৮-
২০, ২০১৬-এ উচ্চ পর্যায়ের ভারত-মায়ানমার বাণিজ্যিক
প্রতিনিধি দলের গোপন আলোচনায় নেতৃত্ব দেওয়া
তাৎপর্যপূর্ণ।

আলোচনার সময়ে উচ্চ পর্যায়ের সফর, নিরাপত্তা এবং
প্রতিরক্ষা সংক্রান্ত বিষয়, সীমানা বিষয়ক এবং সীমান্ত
ব্যবস্থাপনা, ব্যবসা-বাণিজ্য, উন্নয়ন সহযোগিতা, যোগাযোগ,
সাংস্কৃতিক এবং কনসুলার বিষয়-সহ দু'পক্ষ দ্বিপাক্ষিক
সম্পর্ক নিয়ে বিস্তারিত পর্যালোচনা করেন। তাঁরা আঞ্চলিক
এবং বহুপাক্ষিক ক্ষেত্রে পারস্পরিক স্বার্থ সংশ্লিষ্ট বিষয় নিয়ে
মত বিনিময় করেন।

ভারতে থাকাকালীন মায়ানমারের প্রতিমন্ত্রী এদেশের
ঐতিহাসিক এবং সাংস্কৃতিক তাৎপর্যপূর্ণ স্থান পরিদর্শন করেন।

নয়াদিল্লি

আগস্ট ১০, ২০১৬